

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

«Коми Республикаын

удж видзан юкӧнын ӧткымын юалӧм йылысь»

Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса

Каналан Сӧветӧн

2021 вося ӧшым тӧлысь 15 лунӧ

1 статья. Пыртны «Коми Республикаын удж видзан юкӧнын ӧткымын юалӧм йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2007, 9 №, 4991 ст.; 2009, 11 №, 178 ст.; 2012, 63 №, 1553 ст.; 2013, 32 №, 574 ст.) татшӧм вежсьӧмъяс:

1. 3 статья гижны тадзи:

«3 статья. Коми Республикаын удж видзан юкӧнын

Коми Республикаса Велькӧдлан котырлӧн уджмогъяс

1. Коми Республикаын удж видзан юкӧнын Коми Республикаса Велькӧдлан котырлӧн уджмогъяс лыдӧ пырӧны:

1) Коми Республикаын удж видзан юкӧнын канму политика збыльмӧдӧм;

2) удж видзан юкӧнын Коми Республикаса нормативнӧй инӧда актъяс примтӧм;

3) Коми Республикаын удж видзан юкӧнын уполномочитӧм Коми Республикаса олӧмӧ пӧртысь власьт органӧс индӧм;

4) уджалан условияессӧ да удж видзӧмсӧ бурмӧдӧм серти Коми Республикаса канму уджтасъяс вынсьӧдӧм;

5) удж видзан юкӧнын Коми Республикаса олӧмӧ пӧртысь власьт органъяслысь уджсӧ координируйтӧм;

6) уджалан условиеяссӧ да удж видзӧмсӧ бурмӧдӧм серти мероприятиеяссӧ Коми Республикаса республиканскӧй сьӧмкуд сьӧм тшӧт весьтӧ сьӧмӧн могмӧдан пӧрадоксӧ урчитӧм;

7) мукӧд уджмог, кутшӧмъясӧс федеральнӧй оланпастэчасӧн пыртӧма Россия Федерацияса субъектлӧн медвылыс олӧмӧ пӧртысь канму власьт органлӧн уджмогъяс лыдӧ.».

2. Содтыны татшӧм сюрӧса 3¹ статья:

«3¹ статья. Коми Республикаын удж видзан юкӧнын

Коми Республикаса олӧмӧ пӧртысь

власьт органлӧн уджмогъяс

Удж видзӧмӧн канмусянь веськӧдлӧм могысь Коми Республикаын удж видзан юкӧнын Коми Республикаса Веськӧдлан котырӧн уполномочитӧм Коми Республикаса олӧмӧ пӧртысь власьт орган:

1) могмӧдӧ Коми Республикаын удж видзан юкӧнын канму политика збыльмӧдӧмсӧ;

2) дасьтӧ уджалан условиеяссӧ да удж видзӧмсӧ бурмӧдӧм серти Коми Республикаса канму уджтасьяс либӧ уджалан условиеяссӧ да удж видзӧмсӧ бурмӧдӧм серти мероприятиеяс Коми Республикаса канму уджтасьясӧ найӧс пыртӧм могысь, могмӧдӧ индӧм уджтасьяс, мероприятиеяс олӧмӧ пӧртӧм да налӧн окталун да бӧртаслун серти петкӧдласьясӧдз воӧдчӧм бӧрся видзӧдӧмсӧ;

3) координируйтӧ Коми Республика мутасын урчитӧм пӧрадокын удж видзӧм серти велӧдчӧм нуӧдӧмсӧ;

4) Коми Республика мутасын урчитӧм пӧрадокын нуӧдӧ уджалан условиеяс серти канму экспертиза;

5) котыртӧ да нуӧдӧ удж сетысьяс дорын, кодьяс уджалӧны Коми Республика мутасын, уджалан условиеяс да удж видзӧм серти серпаслысь мониторинг;

б) пöртö оломö удж видзан юкöнын мукöд уджмог, кутшöмъясöс абу пыртöма федеральной канму власьт органъяслөн уджмогъяс лыдö, Россия Федерацияса удж кодекс, федеральной оланпасъяс, Коми Республикаса оланпасъяс да мукöд нормативной инöда акт серти.».

2 статья. Тайö Оланпасыс вынсялö 2022 вося рака тöлысь 1 лунсянь.

Коми Республикаса Веськöдлан котырлы лöсьöдны ассьыс нормативной инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2021 вося öшым тöлысь 21 лун

144-РЗ №